

**ACTA DA SESIÓN DA MESA DE CONTRATACIÓN DO EXCMO. CONCELLO DE MONFORTE DE LEMOS CELEBRADA O 18 DE MAIO DE 2017.**

Na sala de Xuntas da Casa do Concello de Monforte de Lemos, sendo as 11:30 horas do día 18 de maio de 2017, reúñese, tras ser convocados para o efecto, os seguintes membros que conforman a Mesa de Contratación.-

**Presidente da Mesa:**D. José Tomé Roca (Excmo. Sr. Alcalde do Concello de Monforte de Lemos.

**Vogais:** D. José Luis Losada Fernández (Concelleiro de Medio Rural e Servizos en substitución da Concelleira Delegada de Réxime Interior).  
D<sup>a</sup>. María Buján Arias (Interventora Acctal.).  
D. José M<sup>a</sup> Baños Campo (Secretario Xeral).

**Secretario:** D. José M<sup>a</sup> Valcarce Rodríguez (Técnico municipal de contratación).

Comprobada a existencia do preceptivo quórum, pola presidencia declárase perfectamente constituída a Mesa e cumpridas as formalidade esixidas polo RD. Lexislativo 3/2011, de 14 de novembro, polo que se aproba o texto refundido da lei de contratos do sector público (TRLCSP), pola Lei 40/2015 de 1 de outubro, de réxime xurídico do sector público, polo RD. 817/2009, de 8 de maio, e polo RD 1098/2001, de 19 de outubro, procédese ao estudo e debate do primeiro dos asuntos comprendidos na orde do día da convocatoria da sesión, a saber.-

1. *Apertura, en acto privado, dos **SOBRES nº 1** “DOCUMENTACION ADMINISTRATIVA PREVIA” dos licitadores concorrentes ao procedemento para a contratación do **PROCEDIMIENTO ABERTO E TRAMITACIÓN ORDINARIA DA CONCESIÓN DEMANIAL PARA O USO PRIVATIVO DOS POSTOS Nº2 E 8 DA PRAZA DE ABASTOS DE MONFORTE DE LEMOS (EXP.009-CONPA17).***

Polo Secretario da Mesa de Contratación dáse conta dos/as licitadores concorrentes ao procedemento co seguinte resultado:

Posto nº2.- D<sup>a</sup>. Paz Ocampo Álvarez.

Posto nº8.- Ninguén.

Acto seguido procédese á apertura do sobre nº 2 da única licitadora presentada e obsérvase que a documentación achegada se axusta no seu contido ao esixido polo prego de cláusulas administrativas particulares reitor da concesión.

Por canto antecede, a Mesa de Contratación, por unanimidade, acorda admitir á licitación a D<sup>a</sup>. Paz Ocampo Álvarez polo que ao posto nº 2 se refire, e ***declarar deserto*** o procedemento para a concesión da explotación do posto nº 8 ante a ausencia de licitadores a este.

Polo tanto, continúaase o procedemento para a explotación do posto nº2 pasando ao estudo e debate do segundo punto da orde do día.-

2. *De resultar procedente, apertura en acto público dos **SOBRES nº2** “MEMORIA DESCRIPTIVA DA ACTIVIDADE A DESENVOLVER” dos licitadores*

**concorrentes ao procedemento para a contratación do *PROCEDIMENTO ABERTO E TRAMITACIÓN ORDINARIA DA CONCESIÓN DEMANIAL PARA O USO PRIVATIVO DOS POSTOS Nº2 E 8 DA PRAZA DE ABASTOS DE MONFORTE DE LEMOS (EXP.009-CONPA17)*.**

Polo Secretario da Mesa procédese á apertura do sobre nº 2 da única licitadora concorrente e acto seguido a Mesa de Contratación procede á avaliación do seu contido resultando o seguinte.

A Memoria presentada conta con tres partes claramente diferenciadas que se corresponden cos tres apartados susceptibles de valoración segundo o disposto na cláusula 13 do PCAP.

Respecto do primeiro deles “Descrición das actividades de venda que se pretendan desenvolver” compróbase que a actividade do posto estará dedicada a chacinaria e que na actualidade non existe ningún posto na Praza que oferte estes produtos. Fala, así mesmo, de que principalmente se ofrecerán produtos galegos de máxima calidade (locais ou de proximidade) con especial fincapé na potenciación das denominacións de orixe protexida galegas.

Por canto antecede, a Mesa de Contratación, por unanimidade, acorda outorgarlle a máxima puntuación neste apartado de 20 puntos.

En canto ao segundo dos criterios “Proposta de investimentos relacionadas coa actividade”, precisa que realizara os seguintes investimentos que aparecen cuantificadas economicamente.- cortadora de friame; báscula que permite a impresión de etiquetas; coitelos e portarrolos; estantes de parede; e colgadoiros de xamón.

Neste senso e ante a ausencia da documentación descritiva do material citado no parágrafo anterior que permita unha avaliación máis precisa, a Mesa de Contratación, por unanimidade, acorda outorgarlle 10 puntos neste apartado.

No referente ao último dos apartados “Declaración do número de persoas que se dedicarán ao exercicio da actividade”, límitase a sinalar que o posto de venda será atendido por unha soa persoa polo que a Mesa de Contratación acorda, por unanimidade, outorgarlle 3 puntos no presente apartado.

Por conseguinte, realizada a valoración da Memoria de explotación da actividade a puntuación obtida pola licitadora polo que ao sobre 2 se refire, ascende ao total de **33 puntos**.

De seguido procédese ao estudo e debate do terceiro punto da orde do día.-

3. De resultar procedente, apertura en acto público dos ***SOBRES nº 3. “PROPOSICIÓN ECONÓMICA”*** dos licitadores concorrentes ao procedemento para a contratación do ***PROCEDIMENTO ABERTO E TRAMITACIÓN ORDINARIA DA CONCESIÓN DEMANIAL PARA O USO PRIVATIVO DOS POSTOS Nº2 E 8 DA PRAZA DE ABASTOS DE MONFORTE DE LEMOS (EXP.009-CONPA17)***.

O Secretario da Mesa realiza a apertura do sobre nº3 da licitadora cuxo contido é o seguinte.-

Canon anual ofertado: 600 €.-/anuais.

Visto o PCAP, a unanimidade dos membros da Mesa de Contratación acordan outorgarlle **60 puntos** á oferta achegada pola licitadora.


En consideración ao exposto, a Mesa de Contratación procede a clasificación da única oferta achegada resultando o seguinte.-

Licitadora	Sobre nº2 "Memoria"	Sobre nº3 "Canon"	Total
D <sup>a</sup> . Paz Ocampo Álvarez	33 puntos	60 puntos	93 puntos

Polo que antecede, a Mesa de Contratación, pola unanimidade dos seus membros, acordan propoñer ao Órgano de Contratación como adxudicataria da concesión demanial para o uso privativo do posto nº 2 da Praza de Abastos a D<sup>a</sup>. Paz Ocampo Álvarez por ser a súa oferta a economicamente máis vantaxosa das achegadas segundo os criterios de adxudicación recollidos no prego e todo isto, despois do requirimento da documentación á que se refire a cláusula 17<sup>a</sup> do amentado prego.


Sen máis asuntos que tratar, dáse por finalizada a reunión ás 12:05 horas, de todo o que, como Secretario, dou fe.

O Presidente da Mesa




**VOGAIS**

O Concelleiro de Medio Rural e Servizos,



O Secretario Xeral,

O Secretario da Mesa,



A Interventora Acctal.,

